


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

T 3209/4678.6

5



嘉禾志卷第十一

宮觀道院

縣事司

安道堂在郡治南一里

致道堂在南城外二里

基上建本名崇祀

為南宮宮有一枝

一校之數多會

杜齊而已

天慶觀在郡治西北一里

嘉禾志卷第十二

宮觀道院

道

附



錄事司

崇道宮在郡治南一里

攷證舊在南城外二里續移入城內古萬壽宮

基上建本名崇福宮宋治平元年賜今額俗呼

為南宮宮有一枝堂每大比邦人士用取南宮

一枝之識多會課於此今廢止有繼秀堂慵齋

拙齋而已

天慶觀在郡治西北一里

哈佛大學漢和
圖書館珍藏印

曹廷權
閱源齋

嘉禾志卷十二
考證本名同元觀梁文明元年立宋雍熙三年
改棲真觀大中祥符五年置睭祖殿六年賜今
額天禧元年降到天尊神化金寶牌子紹興元
年知州鄧根因兵火復興聖祖殿二十六年再
知州奉詔如律而加備馬洛陽朱敦儒為之記
嘉禾百詠詩注七賢遺迹一嚴陵陽陂二蹇子
虔水三葛洪書額四吳道子貌真五張僧繇鷹
以致殿宇道子無燕雀巢六頽虎頭神二為巢
賊竊去七飛仙夫名氏遭兵火並無存者外有
唐開元鐘梁朝檜七寶上帝像宋乾道中門齋

堂掘得二小石刻其一北極殿記知州宋坦以
俸金創殿雍熙三年五月二十七日記其一井
銘軍事推官解九舉擬徐鉉茅山許長史并銘
為之九臯鉉門下士也雍熙四年立
報忠觀在郡治西南一里半

攷證宋淳祐九年里人趙朝散汝徘徊捨宅為觀
淳祐十二年十月准勅賜今額

隱真道院在郡治東南六十步

考證宋崇年間造建炎兵火歸然獨存或謂紹
興初純陽真人到此故名隱真紹興丁卯又有

嘉禾志卷十二
仙人劉高尚夜宿於中晨起援筆題雲堂柱間
凡四十有三字曰行方便坐方便諸聖察上天
見得道安得身健但能晨朝洗面水不得浪淵
起盜玉津能顯九霄雲事劉卞功來仙語隱微
衆亦莫曉筆盡透柱如點漆然郡人有疾者刮
其字煎飲之即愈端平改元闕棧記其事劉採
為之讚李漢為之跋後庸醫以新易舊刮墨和
藥柱因不存

異親道院在郡治東北一里半

考證宋癸丑間雲遊俞世脩患風疾其行匍匐

其語蹇澁忽有道人卍角美髯青褐大袖顏貌
准古以手重揮兩膝其疾頓瘳或謂鍾離真人
至此也婺州道人毛觀記其事

萬壽道院在郡北一里

考證里人徐氏建崇奉梓潼真君香火歲大比
邦人士禱焉

修真道院在郡治西南一里

松江府

錢明宮在府東張塔橋側

仙鶴觀在府南二百步

考證東晉時創額宋紹興三十一年重建
谷水道院在府西南西湖上
真靖道院在府西北普照寺後俗呼

道堂

真武道院在府南

太清道院在震橋東

考證里人衛守宗武捨舊宅為之

嘉興縣

崇真道院在縣東四里

長生道院在縣東一里

海鹽縣

棲真觀在縣西北五十步

考證舊真武廟宋乾道二年道士郭宗諒移請
廢額為之

崇德縣

天清宮在縣西南一百步

考證元係東嶽行宮道院道士蘓大亨募緣增
建宋紹定四年請額開山

崇福宮在縣東北五十八里青鎮

考證宋紹興七年道士葉彥球建名奉直廢至

嘉州志卷之二
至二十九年始創殿宇請今額

祠廟

錄事司

城隍廟在郡治西一里招提寺西

考證元在州樓上之東偏晉天福四年立後移於此地守臣劉炳為之記

五疇廟在州樓上之西

考證又一在廣平橋又一在糖巷東北又一在郡圃又一在舊抽木塲西

天王堂在州子城西北樓上

考證唐天寶初令州郡於城西北隅置北方毗沙門天王像又置之佛刹舊精嚴寺亦有此堂

東嶽二聖廟

考證在天慶觀之東南又崇福宮之西

資善興福明王廟在郡治北精嚴寺之西北隅

考證本晉徐尚書宅曰捨宅為寺遂祠之朝議大夫行開封府司士曹事侯為之記

曹史君廟在郡治西北二百五十步

考證按舊經云信當錢氏霸國時為牧守自臨平鎮移莅嘉興慈惠及人卒邑氏追慕之相

嘉禾志卷之二
與列狀乞立祠宇春秋致享又按吳越備史云
曹珪也錢氏忠懿乾寧中淮人圍嘉禾珪與族
人師魯守之每登樓張樂縱飲矢石交至視之
晏如也嘉禾平以功授蘓州刺史今廟有三人
碎碑在廟後磨滅不可讀

普寧王廟在郡治北一里

考證俗呼銅棺廟舊傳嘉興知縣有善政天降
一銅棺蓋自開知縣入焉蓋又自閣其棺飛在
常州宜興縣山上今為銅棺山當時有一吏人
堅挽知縣不可入遂折一臂後塑折臂曹司在

其側

金山大王廟在郡治北一里半

考證本漢霍將軍光也詳見松江府

楊將軍廟在郡治北五十步

考證乾化元年置

王總管廟在郡治西南通越門內

考證因高田賊作以身死難故祠之加封旌忠

廟

靈濟昭烈王廟在郡治西南一里半

考證舊在西門外宋德祐兵火後移於此即故

嘉禾志卷之二
知惠州徐聞討宅也今西門故址尚存

松江府

東嶽別廟在府西二里

靈濟照烈王別廟在府西三里

攷證神姓張其英槩靈迹載相川神祠蓋自漢
以來江浙多祠之縣之別廟始於宋淳熙之八
年

城隍廟在府東南七十步

考證舊在縣西宋政和四年遷於此唐李陽冰
曰城隍神祀典雖無吳越中多祠之今州縣城

隍相傳祀紀信云

金山忠烈昭應廟其一在海中金山去府治九十里

其別廟在府東南八十步

考證廟有吳越王繆祭獻文云以報冠軍之陰
德吳國備史云大將軍將霍光自漢室既哀舊
廟亦毀一日吳王皓染疾甚忽於宮庭附小黃
門曰國王封畀華亭谷極東南有金山鹹塘風
激重潮海水為害下民將為魚鼈所食非人力
能防金山北古之海鹽縣一旦陷沒為湖無大
神力護也臣漢之功臣霍光也臣部黨有力可

立廟于醜塘臣當統部屬以鎮之遂立廟歲以
祀之宋宣和二年賜顯忠廟五年封忠烈公建
炎三年辛道宗領舟師由海道護行在野奏加
封忠烈順濟且賜緡錢以新貌四年加封昭應
按霍去病為冠軍將軍而霍子孟為大將軍今
傳史以為霍光或者吳越祭文不攷也

廣衛將軍祠在府西普外寺

考證寺有石刻載吳越王祭獻文云晉賢陸機
之祖按志吳機之祖遜初拜撫邊將軍又拜鎮西
將軍又拜上大將軍吳因漢制雖有雜號將軍

而考之遜傳未嘗封廣衛之號若機曾祖行守
城門校尉高祖駁九江都尉亦未嘗位至將軍
陸司空廟在府南三里

考證祥符圖經云陸四公未詳所出今俗傳陸
機廟按晉史機未嘗為司空為司空者機之從
兄弟玩也又原化記云蘓州華亭縣有陸四官
廟元和初有鹽船泊於廟前守船者夜於廟旁
獲光明珠則又以為陸四官矣

築耶將軍祠在府東三十五里

攷證築耶城晉左將軍袁崧所築遺址尚存有

築耶將軍祠世傳祀袁崧按晉隆安四年崧以
吳國內史築滬瀆壘以備孫恩明年恩陷滬瀆
崧死境內祠之宜也築耶之義未詳

顧侍郎祠在府東南三十五里亭林法雲寺

考證感伽藍神記開運元年仲春十有一日寺
成僧道中智暉夢二青衣來云陳朝侍郎至也
後忽見一人紫衣金魚儀容清秀曰此地吾之
故宅荒已久矣師今於上造佛立寺請立吾形
像吾當護此寺也可尋舊寺基水際古碑為據
明日二人各言其所夢不異就求之果得古斷

碑文字破滅云寺南高基顧野王曾於此修輿
地志二僧於寺東偏建屋立像至今祠焉

通濟龍王祠在府東北滬瀆

考證故老相傳自錢氏有國已廟食茲土宋景
祐五年太史葉清臣為本路漕因浚盤龍滙禱
於故廟神應如響於是復新祠貌有葉太史祭
文刻石於廟中

蔡侍郎廟在府南八十里白砂鄉

考證據通幽記唐貞元五年在嘉興監徐浦下
場糶鹽官場界今諸場亦有蔡廟場未詳何神

柘林方廣寺有蔡侍郎祠按寺記云自古相傳
蔡侍郎捨宅為寺竟無稽考惟石幢題云唐咸
通六年蔡贊造去父母塋九十步去壽塋一十
六步三代皆當世文儒按貞元則德宗朝也咸
通則宣宗朝也貞元中已有蔡侍郎祠矣雖稗
官小說未可盡信不應咸通中蔡始造壽塋也
豈寺之所祠與蔡場所祠各不同乎

姚將軍祠在府西 十五步

考證初祠於證覺院宋政和四年始遷於此未
詳何神

福順延德大王祠在府都酒務西

攷證未詳何神廟有宋楊景範遷廟石刻云熙
寧甲寅到官夢遊福順廟見執簿者臂顏求予
蕭王治之未幾以漕命遷酒稅於王故宮之基乃用
卜宅於茲土豈神之靈有以先授我耶

三姑祠一在府南七十里柘湖一在

西北七十二里澱山湖

考證按吳地志秦時有女子入湖為神即此祠
也柘湖今墮塞為蘆葦之場神亦弗祠其澱山
湖中普光王寺三姑祠靈甚湖旁三數十里田

嘉興縣志卷十二
者與往來之舟皆禱焉故老相傳秦時人姓邢氏女兄弟三人謂即柘湖所祠也

嘉興縣

城隍廟在縣治內

三故考證舊在縣西二十步晉天福四年立後移在

縣治內之東偏知縣李時習重修

蕭王太祖廟在縣西北

考證唐贊云梁蕭氏興江左寔有功在民故州

縣多祠之惠安寺即蕭王故宅也

五龍王堂在縣南城外三里

考證舊經云在縣西南五里宋天暉二年立隆興元年更初祠宇服色坐位出於俚俗不復討論禱而未應州學錄夏以文選郭景純遊仙詩言五龍事上之州知州姚憲從之遂改正其服位繼而響應祠宇之南乃焚化院嘗掘得大龍年石佛像當奉安時光明滿室

高王菩薩廟在縣北三十六里遷善鄉

考證高史君也晉建武中出為監屯校尉領兵三千屯給於此久而鎮靜史君教兵二千耕稼官田歲遇豐稔公儲有餘於官於私有功有德

嘉禾志卷十二
十一
史君累遷黃門侍郎司徒左長史并侍中征虜
將軍授北海信都二郡太守未之鎮終於此梁
大通年立廟於縣北二百步梁步兵校尉劉績
之記後移其廟於此地名江涇村

高豐廟在縣東北一十八里

考證唐屯田之所按文粹有嘉興屯田政績記
李澣為文其略云浙西有三屯嘉禾為之大乃
以大理評事朱自勉主之且揚州在九州之北
冢廣全吳在揚州之域冢大嘉禾在全吳之壤
最腴故嘉禾一穰江淮為之康嘉禾一歉江淮
為之儉公首選於衆獨當其任有白雀集於高
豐屯廩益大穰之證也則高豐之祠亦云舊矣
今有雀墓村乃白雀之墓也

昌武廟

攷證舊志云不知何代人也吳錄異記曰吳士
季為吳興令病疴遣人就昌武廟乞斷鬼士季
夢一騎縛小鬼去即愈

徐偃王廟在縣西里

考證偃王逃戰之會稽嘉興本屬會稽人多姓
徐王之宗族嘗有散在邑者故後世因有思王

功德者為之廟以祀焉衢州龍邱亦有廟韓退之衢州廟記甚詳唐開元元和中徐氏三人相繼作衢州刺史乃王之遠孫也

楊姑廟在縣西

考證舊圖云昔有楊氏女篤孝躬耕給養父母死後鄉里為之立祠

許公廟在縣西

考證舊經云許公名安仁晉黃門侍郎也

隋陳司徒廟在縣西南五里

考證唐咸同五年置郎隋陳果仁也唐封忠烈

公偽唐冊武烈帝常州亦有是廟有碑存焉

馬塘廟在縣南七里馬塘堰側

嘉禾大王廟在縣北望雲門外

蒲白廟在縣西北五里

考證舊傳是徐岱也

靈宿土地廟在縣西南二十七里本覺寺之東南

考證父老相傳始者里社欲立廟本非今處水植既備一夕自移至此水旱禱之無不響應

靈顯侯廟在縣北五里

考證土神施府君也宋人諱伯成九歲為神幾

百餘年有禱輒應歲旱澇鄉貢進士聞人剛中等禱於祠下隨獲大雨遂請於朝景定五年九月准勅賜今廟之左右皆施族居焉本縣太平橋杉青閘等處

海鹽縣

東嶽別廟在縣西北一百步

考證宋大觀四年造建炎四年正月閔將領敗兵入海避虜騎過海鹽謁東嶽廟閔羽祠見塑像卒持刀柄離地出舊塑尺許敬畏之不敢為變而去紹熙三年縣令李直養重修別建聖母

殿於正殿之東張祿為之記

城隍廟在縣南五十步

考證廟牌陳文惠公八分書宋乾道七年歲旱知縣邢銖禱之而雨

廣惠別廟在縣南一里

考證宋紹熙二年文林郎紹興府察推蔡與義建淳祐辛亥知縣何王壽再建

金山顯忠別廟在縣東一里

考證漢大將軍霍光祠封忠烈順濟昭應公宋宣和間勅建紹熙甲寅縣令李直養修

嘉禾志卷十二
十四
陳山顯濟廟在縣東北四十里

考證宋大觀三年建舊圖經云以龍祠為大帝
典雨曹政和間縣人郭二益為中司以禱祈感
應奏請封爵山椒有龍母冢巨石盤陀山半有
龍湫水旱不溢不涸崇寧三年詔以顯濟名其
廟宣和五年封龍君為淵靈侯紹熙元年六月
早暵知縣李直養因禱於龍君得小龍以歸就
縣廳設醮三日後果雨是歲大稔聞於朝進封
龍君為廣惠淵靈侯龍母為龍君夫人紹熙二
年李直養建新龍君龍母二大殿裝龍君像塑

侍衛八軀塑龍母四龍子像置供具繪龍於壁
自廟門而下皆一新之紹熙五年勅封龍君為
廣惠淵靈威祐侯龍母為慶善薦福夫人又勅
建興福院於廟之右以廣僧居以嚴香火之奉
其詳載廟碑

廣順延德大王廟在縣西二里半

蘓驃騎廟在縣西一百三十步

考證梁大同間立碑圖經云名舉字子羽封烏
程侯葬金牛山北宋高祖嘗夢其神因贈平南
大將軍明帝加使持節都督征北大將軍

黃郎中廟在縣圃

考證耆老相傳以為古之賢令因立此廟後廢
宋元祐間何清源公執中重建紹興二十九年
林仰修紹熙五年正月李直養重修

白馬廟在縣東一十八里海沙場北

齊景公廟在縣東南三十六里

考證耆老云景公遵海而南至此

尚胥廟在縣尚胥橋之北

考證伍子胥入吳至此後以忠死邦人憐之故
併其兄祠焉因曰尚胥孟勅封清忠英烈威惠

獻王

太公呂望廟在縣東一百五十步

考證吳地志云太公避紂居東海之濱百姓懷
之為立廟今廢

秦始皇廟在縣南一十八里秦住山上

考證吳地記云秦始皇廟失其立廟年代時日
山有碑天監二年八月二十三日拊山上有秦
住泉

金牛山廟去縣西南五十里

武寧威烈王廟在縣西一里半

張府君廟在縣東二里

崇德縣

東嶽行宮在縣西南一百步

考證宋政和修廟舊碑麻滅猶可讀謂淹時沒
久感夢興繕從知建立甚古又云廟屋百楹增
修殿宇三所崇興庭臺連東西二所彩飾后嬪
供帳與夫百司執事從祀之神靡不備兵驛騷
之後再創郡志止稱睭帝廟後之規模壯麗有
加於前

城隍廟在縣西南隅語溪館東

考證邑令臧元士增剏門道兩廊開路東出邱

王祠附于內

秦王廟在縣運河東北二百二十步

考證舊祠於廣法院後並祠廣惠

何律王廟在縣西三里

陳王廟在縣

射獵廟在縣東南五里

打虎廟在縣南七里

通靈王廟在縣西北三十里

蕭尚書廟在縣東三十里

東嶽行祠在縣北二十二里石門市
秦王行祠在縣北千乘鄉

索度明王廟在縣東北六十里青鎮

考證青鎮土地神也宋宣和間起居舍人周離
亨謫涖鎮事一夕夢有神人謁之曰予居樊陋
幸公惠顧我翌日周訪諸叢祠得王像適契夢
中所見者遂為脩祠宇萬珪為之記舊志謂索
度王即吳王孫權之子然鎮西南隅自有索靖
王廟考之唐咸通中禾洪所記索靖王實吳王
孫權之仲子也未知孰是

昌武三王廟在縣北車口堰地名下廟

嘉禾志卷第十三

冢墓

錄事司

嚴夫子墓在郡治北報恩禪院法堂後

考證西漢嚴助也

蘓小小墓在郡治東一里

攷證晉歌姬也張文潛集及宋百家詩載司馬
頹事云墓在錢塘寰宇記云墓在嘉興縣然寰
宇記為是今墓正在嘉興縣前西南墳高三丈
有大井在其側舊生雙桃於上宋紹興初衣白

以出人多畏之因鎮以塔後宋路分行天心法
驅除之遂不復見有片石在通判廳 蘇小小
墓豈非家在錢塘而墓在嘉興乎

松江府

陸康墓在府西北二十里

陸遜墓在府西北二十三里

陸抗墓在府北二十二里

陸瑁墓在府西北三十二里

陸凱墓在府西北三十二里

陸宏墓在府西北四十里

陸 墓在府西北四十四里

陸監墓在府西北一十九里

陸景文墓在府西北三里

陸獻墓在府西北一十九里

潘濬墓在府西北二十里

考證按吳志云濬字承明武陵漢壽人也弱冠
從宋仲子受學為郡功曹孫權殺關羽於荆上
拜為輔軍中郎將有功遷奮威將軍權即位封

劉陽侯遷太常赤烏二年薨

笮融墓在府東北四十里

考證按吳志云融丹陽人初徐州牧陶謙使督廣陵運漕曹公攻謙徐土蕭條融將男女一百口馬三十疋走廣陵今北亭鄉有冢墓涇涇旁有高壠世稱為冢墓云

陸禕墓在府西北二十七里崑山之絕頂

考證舊有征北將軍陸禕墓碑今雖斷毀不全而龜趺尚存焉

嘉興縣

歐陽尚書墓在縣西北一十里

考證文忠公之後也其子孫尚有其旁者

劉伶墓在縣西北二十七里

考證劉伶晉人也錢氏諱鏐改呼劉為金俗曰呼為金伶墓

施墓在縣東二十里

考證圖經云齊長沙王府長史施修琳墓

衛墓在縣西南

考證圖經云衛大夫洪演墓也衛懿公為狄人所滅食其肉唯肝在地演割已腹而內焉按漢書衛地今在魏郡黎陽是也獨未曉演墓在此何也

周都官墓在縣西與月波樓相對

考證先老相傳早不加高潦不加沒

朱買臣墓在縣東三里

羞墓在縣北一十八里

考證朱買臣妻羞死之所也今為秋茂訛也

徐偃王墓舊傳在縣西復禮鄉

沈演之墓舊傳在縣北望雲門外二十里

相林墓在縣東一十里

海鹽縣

龍母冢在縣南四十里

考證陳山之顛上有盤石遇水旱禱祈以酒酌

石輒有暴雨洗壇

九母冢在縣南一十八里豐山石屋之東南

考證昔有村人發之蜂蠱蛇蝎不可嚮逾

天女墓在縣東北三十五里乍浦村

考證人侵犯即有土蜂黑氣逼人

皇后冢在縣南三里

考證耆老相傳以為何皇后冢近地有裘靈浦

今塞沒矣

田橫墓去一十八里

天子女兒墓在縣西南三十五里六里山

考證村人侵犯之即有毒蟲出焉

皇象墓去縣東北四十七里高一丈周回四十步

考證輿地志云象字體明吳廣陵江都人善隸

書

干瑩墓去縣西南四十里高一丈二尺周回四十步

考證舊圖吳干瑩字明叔仕吳為立節都尉五

行記云晉干寶字令升海鹽人干瑩有寵婢母

甚妬之及瑩亡葬之遂生推婢于墓後十餘年

母喪開墓而婢伏棺如生載還經日乃獲言其

父恩情如舊地中亦不惡既而嫁之生子

頽安饒墓在縣東北五十里高一丈三尺周回七步

考證頽安饒陳人也仕至鴻臚卿

沈景墓去縣西南六十里

考證沈景宋人也

叢冢在縣東南三十六里湯山

考證宋紹熙間縣令李直養以溺海之屍隨潮

而上送至沙蹟盡為大鳥所齧因置叢冢收瘞

焉

人物

西漢朱買臣字翁子吳人家貧好讀書

不治產業賣薪給食嚴助薦之於武帝拜中大夫後為會稽守上嘗謂買臣曰富貴不歸故鄉如衣錦夜行買臣頓首辭謝遂衣故衣懷其印綬歸郡邸

東漢張武吳由拳人也

由拳縣即今嘉興縣

父業為郡門下椽

送太守妻子還鄉里至河內亭盜夜劫之業與賊戰死遂亡失屍骸武時年幼不及識父後之太學受業每持父遺劍至下處泣祭而還太守

第五倫嘉其行舉孝廉遭母喪過毀及傷父魂

靈不返曰哀慟絕命

晉韓績字興齊避亂居於吳之嘉興少好文學不交當世由是東土稱為台拜博士不起卒於家

唐陸贄字敬輿吳郡嘉興人年十八第進士中博學

宏詞調鄭尉壽州刺史張鎰願為忘年交餉錢百萬曰請為母夫人一日費贄不納止受茶一串後又中拔萃選補渭南尉遷監察御史德宗召為翰林學士時年尚少以材見幸天子嘗以輦行呼而不名從幸奉天日發詔書數百思如

嘉禾志卷十三
湧泉下筆如神皆用盡事情武夫悍卒聞者無
不感泣思奮帝頗親倚雖外有宰相主大議而
公常居中叅裁可否時號內相李懷光有異志
公請李晟移屯以備徙幸遷諫議大夫還京為
中書舍人俄為中書侍郎平章事公在朝論諫
數十百篇炳如舟一本仁義議陳時病剗拂
帝短或規其太過公對曰吾上不負天子下不
負所學皇宅卹乎上欲相裴延齡公言延齡辟
戾躁妄不可用帝不聽俄而延齡奸佞得君天
下仇惡無敢言者公又上書苦諫不懌帝竟以

太子賓客罷延齡揣帝意薄絕短百緒帝怒欲
誅贄陽城交章論辨乃貶惠州別駕公既放荒
遠常闔戶人不識其面又避謗不著書順宗即
位召還詔未至而卒時年三十有二追贈兵部
尚書謚曰宣公有奏議苑文集行於世翰邦人
士志今詞之

唐徐岱嘉興人也於學無所不通辨論明銳座人常
屈代宗大曆間劉晏表為校書郎觀察使李栖
筠欽其賢書所居為復禮鄉

唐丘為蘇州嘉興人事繼母孝嘗有靈芝生堂下官

至太子右庶子時年八十餘而母無恙給以俸
祿之半及居憂觀察使韓滉以致仕官給祿所
以惠養老臣不可以喪為異惟罷春秋羊酒
初 鄉縣令謁之為候門磬折令坐乃拜里胥
立庭下既出乃謂坐經縣治降馬而趨年九十
六

宋陳舜俞字令舉嘉興人仁宗嘉祐四年應材識茂
異賢良方正能直言極諫科擢為第一是時公
已登進士乙科矣復中是選故文章聲名赫然
在人上始授光祿丞簽書壽州判官宰山陰秩

未滿台試館職不就會朝廷 行青苗法上書
詆且自劾曰忤執政敗監星江酒稅公在貶所
日與太博劉凝之跨雙犢以窮泉石之勝自號
白牛居士公直道自信無所回挽遂絕意仕進
得著書立言有都官集 卷行於世蔣之奇序
東坡六客公與焉

宋錢顛字安道本無錫人英宗治平末為殿中侍御
史王安石行新法顛極論其弊貶監衢州稅徒
秀州家貧母老匄貸親舊以給朝晡而昭然無
謫官之色東坡集有至秀州贈錢端公安道詩

云鴛鴦湖邊月如水孤舟夜傍鴛鴦起者是也
宋毛滂字澤民徽宗政和間守是邦回家馬先是哲
宗元祐間東坡守杭公為法曹秩滿辭去是夕
坡宴客有妓歌惜分飛詞坡問誰所作妓以毛
法曹對坡語坐客曰郡寮有詞人不及知其之
罪也翌日折簡追還留連數月公因此得名有
東堂集十卷行于世

宋洪皓字光弼本番陽人嘗為秀州錄事徽宗宣和
六年秋大水全活饑民九萬五千餘人州人呼
為洪佛子丁父憂奔喪還鄉留家于秀高宗建

炎三年奉使大金羈留十五年不屈節而歸秦
檜不吝死於南服謚忠宣公有忠宣集行十世

宋王希呂本中原人高宗南渡寓居是邦仕至尚書
宋朱敦儒字希真號巖壑本中原人以詞章擅名天
資曠遠有神仙風致高宗南原渡初寓此嘗為樵
歌有讀書堂在天慶觀之西

宋婁機字彥發幼穎悟日誦數百言長益奮勵談經
史百家作文直欲以左氏班馬韓柳為標的孝
宗乾道間中進士第及試邑罷稅興學士民德
之入輔元良日陳正言正道隨事發明多所裨

益年七十丐閑不允擢監察御史又除右正言
尋除太常卿兼中書舍人時宰欲開邊隙侍御
史鄧友龍主議甚力公相時度勢極口沮之以
為必敗國事會有旨集議公義形於色畧不少
變又欲以公宣諭荆襄公昌言曰使慰安人情
則可必欲問邊啟釁有死而已不能從也卒以
此去國後遍曆省部給舍皆有可紀嘉定改元
八月除樞密十月除叅知政事公天資忠鯁不
畏強禦既聖廟堂未嘗以辭色假人彌縫協恭
裨贊維多三年告老以正議大夫資政殿學士

致仕年七十有九

宋方誼字賓王本桐廬人孝宗軋道四年侍父務德
侍郎涉居是邦之北門為朱文公門人文公集
中有相與問答語家有希賢齋扁亦文公所書
也

宋業時字秀發孝宗淳熙登進士甲科事四朝歷後
索二十年官至開府

宋王明清字仲言本汝陰人寧宗慶元間寓居是邦
官至朝郎有史才嘗著揮塵錄及玉照新志

宋陳燁字孟華寧宗嘉定間登進士第仕至金部郎

官守南劍弟燿字孟明亦登嘉定科仕至宗博
皆忠肅了翁後

宋李鳴復號山本蜀人也寓居是邦之東門理宗朝
嘗為執政公夫公晉其二子也皆典郡

宋李曾伯字長孺號可齋本懷州人也丞相邦彥之
孫寓居於此自登廕仕早以能稱持繡斧督餉
運兩分漕節七開大閩官輒幾偏天下儒而知
兵素有雅量所至得將士歡心遠人聞風敬憚
戒勿開邊隙天才卓絕為一代偉人有可齋類
藁行于世以觀文殿學士終于家贈少保開府

儀同三司

宋沈炎字若悔號寶罕理宗寶慶間登進士第官及
叅預

宋徐聞詩字子言資性穎悟八歲通九經理宗朝由
童科擢紹定第仕至惠州守

宋李景勉字懋之號畸翁理宗紹定間由上庠解褐
立朝靖共於邊事尤曉暢非但老於文學以太
常丞守臨汀卒

宋呂重庚字申伯號九山理宗端平間登進士第官
至大理正

宋焦炳炎字濟父本宣州人也寓居是邦理宗朝初擢右科後漕請淳祐年間廷試中進士探花立朝清節挺挺一時嘗居言路論奏言累數百無不當帝心時宰主括田之議遠近騷動遂痛述其害反覆面奏亦無慮于言上雖為之愀然而括田未節寢繼進故事辨論愈力時宰語人曰非攻田事是攻我也尋除太常少卿命下隨具疏辭免疏上即去國或人遺以詩曰事至諫官言不得身為宰相有何營又自贖故人詩篇有云跡雖無地着心實有天知一禽從不獲不敢

範驅馳之句後除淮東湖九漕悉不就改吉州太守仍除太常少卿不得已就職
文殿修撰致仕卒

宋焦煥炎字晦父炳炎弟也以儒傳家幼有聲揚屋理宗寶慶初入西雍紹定間廷試冠多士嘗陞對論奏累數百言皆切時病生卒抱負在英畧慷慨有大志守邊多顯郊仕至鎮江守兼都大宋林子善字常甫號西河理宗淳祐間登進士第時里稱沈儒守永州改淮西制叅卒

松江府

東漢陸康字季寧吳人少仕郡以義烈稱舉茂才除高成令以因信為治寇盜亦息光和元年遷武陵太守轉守桂陽樂安二郡所在稱之拜廬江太守申明賞罰破賊黃穰等靈帝加其功拜康孫尚為郎中

吳陸績字公紀康之少子也年六歲謁袁術懷橘墮地者也容貌雄壯博學多識星歷筭數無不該覽孫權辟為奏曹掾以直道見憚出為鬱林太守雖有軍事著述不廢作渾天圖註易釋元皆傳于世

吳陸遜字伯正少隨從祖廬江太守康在官袁術與康有隙將攻康康遣遜及親戚還吳呂蒙謂孫權曰陸遜意思深長才堪負重觀其規慮絡可大任權乃台遜拜偏將軍代呂蒙屯陸口後克公安南郡拜撫邊將軍封華亭侯又進封婁侯黃武元年為大都督大破劉備于夷陵亦烏七年為丞相卒追謚昭侯

吳陸瑁字子璋遜弟也少好學薦義州郡辟舉皆不就嘉禾元年公車徵拜議郎選曹尚書孫權欲親征公孫淵瑁丹上疏諫權嘉其詞理端切遂

不行赤烏二年卒

吳陸抗字幼節遜子也建興元年拜奮威將軍建衡二年都督信陵西陵夷道樂鄉公安諸軍事鳳凰元年晉羊祜率師向江陵抗使輕兵躡之祜引軍還抗遂陷西陵東還樂鄉貌無矜色謙冲如常故得將士歡心抗嘗遺祜酒祜飲之不疑抗疾祜饋之藥抗亦推心服之時以為華元子反復見于今日二年拜大司馬荊州牧卒子晏景玄機雲分領抗兵景字士仁拜騎都尉封毗陵侯偏將軍澡身好學著書數十篇

吳陸凱字敬風丞相遜族子也黃武初為永興諸墜長所在有治迹拜建武都尉領兵雖統軍衆手不釋書五鳳二年拜偏將軍封都鄉侯遷盪魏綏遠將軍征北將軍鎮西大將軍進封嘉興侯寶鼎元年遷左丞相乃心公家義形於色表疏皆指事不飾忠懇內發建衡元年卒

吳陸胤字敬宗凱弟也始為選曹郎太子知聞其名待以殊禮後為交州刺史入畧喻以恩信務從招納加安南將軍封都亭侯

吳陸喜字恭仲瑁子也少有聲名好學有才思嘗作

嘉禾志卷十三
言道訪論審機古今歷娛賓九思等書吳平文
作西州清論傳於世仕吳為選曹尚書至晉為
散騎常侍

吳陸禕字元容凱子也赤烏六年徵宿衛郎中後遷
立義都尉五官郎中騎尉遷黃門侍郎勅封海
鹽侯加裨將軍行丞相鎮西大將軍事凱六後
入為太子中庶子華覆嘗表薦禕曰禕體質方
剛噐幹彊固董率之才魯肅不過在戎果毅臨
財有節初孫皓常銜凱數犯顏忤旨後徙凱家
于建安天紀二年與從弟式名還建業復將軍

侯

晉陸機字士衡吳郡人也父抗吳大司馬機身長七
尺其聲如鍾少有異材文章冠世伏膺儒術非
禮不動抗卒領父兵為牙門將後成都王穎討
長沙王又假機後將軍河北大都督為孟玖美
譖于穎言其有異志使牽秀密收機秀兵至機
釋戎服著白恰謂秀曰成都吾以重任辭不獲
已今日受誅豈非命也曰與穎牋詞甚悽惋既
而歎曰華亭鶴唳豈可復聞乎遂遇害于軍中
所著文章凡三百餘篇並行于世

晉陸雲字士龍機弟也六歲能屬文性清正有才理少與兄機齊名雖文章不及機而持論過之號曰二陸幼時吳尚書廣陵閔鴻見而奇之曰此兒若非龍駒當是鳳雛年十六舉賢良吳平入洛補後儀令到官肅然下不能欺市無二價後成都王穎表雲為清河內史轉大將軍右司馬後曰機敗亦為孟玖所譖故併為穎所殺

吳陸宏績之長子會稽南郡都尉

晉陸燁字上光吳郡人也燁少有雅望從兄機每稱之曰我家世不乏公矣元帝鎮江左辟為祭酒

遷太子詹事時帝以待中皆北士宜兼用南人曄以清正著稱遂拜侍中徙尚書領州大中正明帝即位累遷至錄尚書加散騎常侍中帝踐祚拜光錄大夫後曰歸以疾卒贈侍中謚曰穆晉陸玩字士瑤曄弟也器量淹雅弱冠有美名尚書左僕射領本州大中正及蘓峻反遣玩與兄曄俱守官城玩潛說康術歸以功封興平伯轉尚書令又詔授左光祿大夫開府儀同三司加散騎常侍

晉陸納字子言玩子也少有清操貞厲絕俗以尚書

史部郎出為吳興太守至郡不受俸祿頃之徵拜左民尚書應召臨發正有被撲餘並封以還官謝安嘗詣納所設唯茶果而已其兄子倣遂陳盛饌珍羞畢具客罷納大怒曰汝不能光益叔父乃復穢我素業耶於是杖之

晉陸景文字叔辨初為安吉令遷太守

陳頌野王字希馮吳郡人七歲讀五經畧知大指九歲能屬文嘗制日賦朱异見而奇之十二隨父

之建安撰建安地記及長徧觀經史精記默識天文地理著龜占候蟲篆奇字無所不通又善丹青及侯景之亂野王丁父憂歸本郡乃台鄉黨隨義軍授都又杖戈被甲陳君臣之義逆順之理抗辭作色見者莫不壯之為臨賀王府記室後領著作掌國史以黃門侍郎光錄卿卒贈秘書監右衛將軍有玉篇三十卷輿地志三十卷符瑞圖十卷頌氏譜傳十卷分野樞要一卷續洞冥記一卷玄象表一卷並行于時又撰通史畧畧一百卷國史紀傳二百卷未就而卒

嘉禾志卷十三
宋衛仲達字達可元名上年徽宗大觀間登進士第
御筆改是名仕至吏部尚書

宋衛膚敏字商彥徽宗宣和間上舍釋褐仕至諫議
大夫禮部侍郎

宋錢良臣高宗紹興間登進士第官至叅預

宋蓋經字德常高宗紹興間由舍選登甲科官至中
大夫戶部侍郎

宋衛藻字德章孝宗淳熙間登進士第知武岡軍

宋衛經孝宗淳熙間廷試魁多士官至政府弟洙寧
宗嘉定間亦登進士第

宋衛价字藩叟寧宗嘉定間登進士第仕至軍器監
丞知寶慶府

海鹽縣

晉戴威仕晉為右將軍故宅在縣西一十七步恭帝
時因井放光捨宅為寺唐昭宗時脩寺古碑尚
存其字剥落不可讀

唐顧况吳郡海鹽人居縣西南三十里之橫山以詩
名嘗有詩云家住雙峯蘭若邊數聲秋磬發孤
煙山連極浦鳥飛盡月上青林人未眠

宋常同字子正本臨邛人徽宗政和八年賜上舍及

第高宗南渡初除侍御史有直聲尋除御史中丞曰忤時宰秦檜意出守湖州郡人有賢明太守之謠後累召不起請祠除提舉江州太平觀貧無立錫地徙居是邑之精舍凡十年自號虛間居士紹興十九年以疾薨累贈少師謚忠毅子祿衿皆典郡有聲

宋魯嘗字季欽號冷齋高宗紹興五年登進士第仕至太府卿有註杜詩十八卷行于世

宋魯可宗孝宗隆興間登進士第中博學宏詞科累官至太卿

宋陸垓孝宗乾道間登進士第官至尚書

宋濬常孫同之孫也孝宗乾道八年登進士第舉博學宏詞科嘗為福州教授教養有法閩人士德之至今祠于學官至宗簿

宋趙孟堅字子固號彛齋善畫理宗寶慶間登進士第官至太守

宋常楫字長孺自號蒲溪愚叟同之曾孫也理宗淳祐間由太學魁別省登進士第自躋膺仕所至以廉稱嘗為監察御史因論天變拂權臣意繼論巴陵事復觸度宗怒出為浙漕以簡御繁權

要斂迹尋以宰掾兼刑侍上進故事首論雷雪
 之變又忤上意丐祠守吳吳人有常侍郎真不
 要錢之語帥紹興渡以刑侍召論暮赦叙改法
 與廟堂爭可否兼給事中封還隆國姪黃進觀
 察使錄黃廟堂傳示上旨俾換黃書行公終始
 不變遂奉祠歸里德祐元年除史書總除恭預
 公天性篤寔搢行端方晚年杜門養疴至饋粥
 弗給日以經史自娛遇有感發見之賦詠於詩
 易研覃尤邃中州人士敬慕之欲一見終不可
 得病草自誌其墓歿後家無餘貲人益歎服公

之清真云

崇德縣

宋江珪字伯特徽宗宣和間登進士第歷三院為御

史吏部侍郎

宋沈晦字元用號胥山文通孫也公初名杰徽宗朝

坐為人假手奏案至祐陵榻前上閱之云名見
 四公子傳此人必不凡可從閣略時方崇道教
 故也遂降旨止令今後不得入科場公彷徨無
 所往遂易其名曰晦中漕司首選宣和初魁大
 廷綬數月即日館為郎仕至徽猷待制

宋王昇字逸老本京師人草聖奇偉徽宗宣政間被
召入御書補右爵高宗南渡後寓居是邑之羔
羊時上留神翰墨近臣有言其能者召對賜禮
以書王音褒賞蒙異眷獨步一時官至正使
宗莫琮字叔方杭州仁和人其先隱德不仕徽宗崇
觀中三舍法行琮以貢首入京師肄業辟雍復
兩預薦書屢陞優舍高宗建炎初避地於是邑
因家焉晚以特科一等入仕歷曹娥益場四明
三山幕職南嶽祠吏通直郎致仕莅官行已皆
有可紀有子五人元忠若晦似之若拙若冲俱

登儒科皆袁氏出琮累贈中大夫袁氏封太令
人袁氏壽康兄弟無故迎侍祿養縉紳榮之邑
宰朱軾即所居立五桂坊家有椿桂堂士大夫
多賦詩

宋木楹字濟之本濟南人也避亂渡淮高宗建炎二
年登第於揚州寓居於是邑官至朝議大夫

宋輔廣字漢卿號潜庵父逵本河朔人高宗南渡時
居是邑公素不願仕潜心寔學從呂成公游學
登朱文公門自祠官歸隱以著書為己任有六
經注釋四書問答通鑑說師訓編日新錄雜著

嘉禾志卷十三
三十一
藁皆藏于家扁其堂曰傳貽蓋傳之先儒以貽後學也邑大夫家之柄為建傳貽書院

宋王琮字伯玉高宗紹興間登進士第以孝友稱官至左司

宋莫抃字慶叔世居是邑之青鎮孝宗隆興間登進士第子澤光宗紹興間亦登進士第官至尚書宋趙汝愚字子直本番陽人孝宗乾道間魁多士寓居是邑之洲錢官至丞相追封福王謚忠定

宋蔡開字子明孝宗淳熙八年登進士第官至憲漕弟闢字子正寧宗慶元間亦登進士第官至國

子祭酒

宋徐逢家於是邑之鳳鳴孝宗淳熙十四年登進士第官至常德守兼湖北倉憲

宋徐龜年字翔甫號雲軒家于是邑之鳳鳴孝宗淳熙十四年登進士第官至監察御史

宋陳塏字子爽號可齋本三山人古靈裔也寓居是邑以清節稱官至資政大學士賜謚清毅有讀通鑑隨筆藏于家至元間有司請于上表其里曰清節子鑄宋寧宗寶慶間亦登進士第官至都丞旨

宋陸德輿字載之號魯齋寧宗嘉定間由童科第進士弱冠有文名歷兩制知貢舉官至吏部尚書從祖峻從父鏗相繼世科峻仕至秘書

宋張琥字子嚴寧宗嘉定間登進士第宰鹽官倅明州守台州所至惠政

嘉禾志卷第十三

宋陸德輿字載之...
主簿冠有文名...
從祖塤從父鏞相絕世科塤仕至秘書
宋張璠字子廉寧宗嘉定間登進士第寧熹官倅明
州守台州府至惠政

嘉禾志卷第十三

